

# Goibekokale

ELGETA / Barikua / 2003ko otsailaren 28a / 132. zenbakia

KOORDINATZAILEA: Oxel Erostarbe • Barrenkalea 33 20570 BERGARA • Tel.: 943 76 92 71 • Faxa: 943 76 29 77 • Posta elektronikoa: goibekokale@goiena.com • Lege gordailua: SS475/95

## Mozorroek herriko kaleak hartuko dituzte

OXEL EROSTARBE

Urtero moduan, gaur ospatuko ditugu Elgetan Inauteriak. Arratsaldean, herriko umeak mozorrotuko dira. Gauean, berriz, nagusien txanda izango da. Gaztetxean kontzertua izango da. Hala, goizaldera arte jai giroa izango da nagusigure herrian.

Urtero moduan, mozorrotzen lehenak eskolako umeak izango dira aurten ere. Eskolan, 14:30ean jokoak izango dira eurentako. Eskolako ume guztiak mozorrotuta egongo dira ordurako. Jokoen ondoren, Guraso Elkarteak antolatutako askari goxoa izango dute, eta giroa alaitzeko musika egongo da plazan. Iluntzera arte eurak izango dira Elgetako Inauterietako protagonista. Iluntzetik aurrera, ordea, nagusiek hartuko dituzte herriko kaleak. Festa izango dute goizaldera arte.

### GAZTETXEAN JAIA IZANGO DA GAUEAN

Urtero moduan, gaztetxeok ez diete Inauteriei hutsik egin eta Mozorro Jaia antolatu dute gaur. Gaztetxeo jaia 22:30ean hasiko da. Elorrioko *Trapatoni* taldearen



GOIBEKOKALE

Arratsaldeko lehen orduetan umeak izango dira Inauterietako protagonista.

reggae doinuek emango diote hasiera kontzertuari. Horren ondoren, Agirren taldeko trikitilariek hartuko dute taula, goizeko ordu txikietara arte. Dantza

eta dantza artean, 02:00ak aldean, Mozorro Lehiaketako sariak banatuko dituzte gaztetxeok. Gaztetxea bera eta zenbait taberna ere mozorrotu egingo dira.

## HIRIGINTZA

### Faseka egingo dute Irisgarritasun Plana

O.E.


Martxoan hasiko dira Irisgarritasun Plana aurrera eramateko lanekin. Udal aurrekontuetan plan hori aurrera eramateko 13.655 euro zehaztu zituzten arren, Irisgarritasun Planak 18.973 euroko kostua izango du. Dena dela, plana hainbat fasetan egingo dute. Lehenengo lanak martxoko lehenengo asteetan hasiko dituzte: eskailerak dauden bi puntutan arrapalak ipiniko dituzte, gurgil-aulkiendako. Arrapala bat San Roke kalean, eliza ostetik Artekalea dagoen pasabidean jarriko dute eta bestea, San Roke kaleatik Andra Mari plazara dauden eskaileretan. Hain zuzen ere, lehenengo fasean arrapala bi horiek jarriko dituzte.

Bigarren fasea apirillean hasiko da. Fase horretan, une honetan espaloietan dauden eskailerak kendu eta espaloia errepedearen maldara jaitziko dute, zebrabideak egokituz. Elgetan ez dute zebrabide altxaturik ipiniko; izan ere, Diputazioak 3.000 auto baino gehiago pasatzen diren errepedeetan horiek jartzea debekatua dauka. Leku hauetan ego-

kituko dituzte zebrabideak: Arku inguruan, plazatik Salvador kalea doan zebrabidea egokituko dute; Ozkarbitik farmaziara zebrabide berria egingo dute; Panaderokua tabernaren parean, Lasao zeharkatuko duen zebrabidea ipiniko dute; Berrondokuarantz dagoen pasabidean zebrabidea egingo dute; Ostatu jatetxearen aurrean ere zebrabidea egokituko dute. Espaloia ere handitu egingo dute han.

### SEMAFOROAK ERE IPINIKO DITUZTE

Irisgarritasun Planaren lanekin batera, semaforoak ere ipiniko dituzte. Aurrekontuetan 31.386 euro zehaztu zituen Udalak horretarako. Hala, Diputazioarekin berba egiten dihardu Udalak, lanak martxoan edo apirillean hasteko. Herriko erdialdetik pasatzean autoek lastertasuna murriztea dute helburu semaforoek. Oinezkoendako babesguneak ere ipiniko dituzte herriko sarrean guztietan. Semaforoak leku hauetan ipiniko dituzte: arkuaren bi aldeetan, Ostatu jatetxearen aurrean, Salvador kalearen hasieran eta amaieran eta Artekale erdialdean.



### Ikastaro trinkua hasi dabe

KZGuneak erreleban dihardutenendako antolatuko ikastarua hemen astian izan da. Ikastaruan jardun dabenak arratsaldero lau ordu emon dittue Interneten gaiñeko eskoletan. Bost bat lagun elkartu dira KZGunion, Interneten gaiñeko ikastaro trinko horreik jasotzeko.

Aurrerantzean be ikastarua antolatzen jarraituko dabe KZGuneko arduradunak. Hortan, Internet ezagutzeko asmua daukazuena KZGuneran jai biharko zariena emotera. / O.E.

## LABUR

### Bihar arratsaldian aurkeztuko dabe plazan Elgeta Auzolanian plataformia

Aurreko zapatuan zan aurkeztetua Elgeta Auzolanian plataformia. Baiña *Egunkaria*-n aldeko manifestaziñua egun eta ordu berria zanez, atzeratzia erabaki zeben eta bihar izango da plataformian aurkezpena. Ezkertiar eta abertzaliak osatuko daben plataformian aurkezpena plazan izango da, 17:30ian. Ekitaldixa jai giruan ospatuko dabe, eta txalapartia, lancha, musikia, eta abar egingo dira. Hori plataformiori Gernikako Deialdixan ondorixua da.

### 'Euskaldunon Egunkaria'-n aldeko laguntzaille taldian batzarra astelehenian

Herri danetan moduan, Elgetan be *Euskaldunon Egunkaria*-n aldeko laguntzaille talde bat sortzeko asmua dago. Batzarra astelehenian izango da, liburutegixan, 19:00etan. Gertatu danan gaiñeko informaziñua azalduko dabe batzarrian. *Egunkaria*-n alde aurrera erungo dan kanpaiñian barri be emongo dabe. Kanpaiñian lehenengo urratsa harpidetzak egittia izango da.

ELKARRIZKETA

HARITZ GALLASTEGI/EGUNKARIA-KO ETA EUSKADI IRRATIKO KAZETARIA

“Eskertzekoa da ‘Egunkaria’-k jaso duen babesa”

O.E.


Orain dela hiru urte ekin zion Haritzek *Egunkaria*-rendako lan egiteari. Besteak beste, kirolean, *Bizkaia* gehigarrian eta *Uni* gehigarrian egin du lan. *Iaztik*, *Egunkarian* eta Euskadi Irratian dihardu Athletic jarraitzen.

Non izan zenuen *Egunkaria* itxi zutelako berria?

Elgetan. Lezamara joatekotan nengoela aitak deitu zidan berria emateko. Ordurako Bilbon *Euskaldunon Egunkaria*-k duen delegazioa itxita zegoen eta Andoaingo, ixtear.

Zer izan zen burura lehenengo etorri zitzaizuna?

Buruan gauza asko batu ziren. Hasiara baten, harridura sentitu nuen. Aurrerago, ordea, ohartu nintzen sarritan berba egin genuela holakoren bat gerta zitekeela, zerrendan hurrengoak gu izan gintezkeela. Txantxetan bazen ere, AEK auziaren ostean sarritan egin dugu berba horretaz. Zer izan zen lehenengo egin zenuena?



O.E.

Lankide bat deitu nion. Hark ere irratitik jakin zuen berria. Eguenean, Vodafoneko sarea bertan behera geratu zen eta poltsikoko telefonoekin arazo asko izan genituen. Lezaman nengoen bitartean irratitari itsatsita egon nintzen. Bazkaltzeko orduan elkar-

“Langileok sarritan berba egin dugu holakoren bat gerta zitekeela”

tu ginen lankideok. Han jakin nuen benetan zer gertatu zen. Hamar lankide atxilotuta eramane zituzten. Bost kartzelaratu egin dituzte.

Egunetik egunera atxilotuen gaineko informazio zabalagoa daukagu. Pozgarria da hiru etxe-

ra bueltan etortzea. Tamalgarria, ordea, horiek jasan duten tratua. Zapatukoa urtetan Euskal Herrian egin den manifestazio handienetakoa izan zen.

Donostian une hunkigarriak bizi izan genituen. *Egunkaria*-ri babesa ematen horrenbeste jende ikustea eskertzekoa da. Detalle txikiak ere izan ziren; adibidez, emakume nagusi bat negarrez ikusi genuenean. Bilboko lankide batek ere negar hastekotan zela esan zidan.

Langileok zelan ikusten duzue etorkizuna?

Lehenengo beroaldian denok batuta egon gara, eta gaude. Gertatutakoak, ordea, beldurra ematen du, *Egin*-ekin zer gertatu zen badakigu-eta. Horrek beldurra eta pena ematen du, bidean kazetari asko geratu ziren-eta. Aurreko egunean gure bizitza aldatu zela esan daiteke. Gerta daiteke Bilboko erredakzioan moduko lagunarterik berriro ez topatzea. Ni beste asko baino hobeto nago, Euskadi Irratian lana daukat-eta. Langileok *Egunkaria*-ren proiektua aurrera atera nahi dugu, eta horretan ahaleginduko gara.

KULTURA

Goibekoren batzarra martxoaren 6an

O.E.

Goibeko kultura elkarteak batzar orokorra egingo du martxoaren 6an. Batzarra liburutegian izango da, 21:15ean. Talde eragilekoek batzarrean parte hartzeko dei egin gura diete bazkideei. Izan ere, batzar horretan hartuko dituzte Espaloia Kafe Antzokiaren gaineko erabakiak.

Orain dela lau urte elkarteak sortu zenetik, Espaloia Kafe Antzokiaren proiektua aurrera eramateko asmoa azaldu dute.

Urte hauetan gorabehera asko izan ondoren, proiektua aurrera eramateko sostengua emango duten erabakiko dute bazkideek.

‘EGUNKARIA’ IXTEAREN AURKA

Goibekotik euskararen aurkako erasotzat hartu dute *Euskaldunon Egunkaria* ixtea. Elkartearen elkartasuna adierazi nahi diete atxilotutakoei, euren familiakoei eta hango langileei. Bereziki, *Egunkaria*-ko langile eta Goibekoko bazkide diren Haritz Gallastegiri eta Beatriz Zabalondori.



Jente asko batu zan Markeliñen ‘KK’ ikusteko

Aurreko domekan, herritar ugari gerturatu ziran plaza Markeliñen *KK* antzezlanaren estreinua ikustera. Berbarik erabili barik gauza asko esan leikela erakutsi zokuen barrero Markeliñekuek. Adin guztixetakuak elkartu ziran plazan. Antzerkiko pertsonaje inportantiena zan neskatuan gorabeherekin bai umiek baita nagusiek be nahikua barre egin zeben. Plazan egindako hau ekitaldixau Kultura batzordiak antolatu zeban./O.E.

JAR EZAZU  
HEMEN  
ZURE  
PUBLIZITATEA

Goibekokale



BOLINAGA  
METALAK

SALBADOR 7  
ELGETA 20690  
GIPUZKOA  
TEL: 943 76 80 64  
FAX: 943 76 83 01



ELGETA AUTOAK

Berraondokoa z/g ELGETA  
T. 943 76 82 02 F. 943 76 82 98

## ERRETRATUZAHARRA

ANTZUOLA

Mutil koadrila  
Gorlako  
erromerian

**A**buztuko lehenengo domekan erromeria handia ospatzen zuten Gorlan. Argazki hau orain dela 36 urtekoa da.

Esan bezala, erromeria garrantzitsua ospatzen zuten garai baten Gorlan. Jatekoa aldean eramaten zuen jendeak, egun pasa egiteko. Trikitilari mordoak egoten zen Gorlan, eta hainbat korro osatzen zituzten dantzarako.

Gaur egungo txosnen aitzindariak ere izaten ziren, taberna funtzioa betetzen zutenak.

Argazkia laga digun Angelita Enak azaldu digunez, argazkilariak ibiltzen ziren koadrilei erretratuak ateratzen. Argazki hau ere halaxe ateratakoa da. Honako hauek agertzen dira eskumako argazkian:

Ezkerretik eskumara: Jose Antonio Gezalaga, Migel Anjel Lezeta, Bibiano Barkero, Migel Anjel Gezalaga (behean), Juan Mari Larrañaga, Luis Mari Gezalaga eta Jose Mari Gezalaga.

Argazkia: Angelita Ena



## ADI, IRAKURLE!

Zure erretratu zaharra argitaratzea nahi izanez gero, zator BERRIGARAra (Irizar jauregia, Barrenkalea 33) edo Elgetako kultura etxera. Zain gaituzú!

## NOLAALDATUDIRENGAUZAK

ANTZUOLA

Errota Berri,  
1941ean

**H**errian bertan dugun errota hau dezente aldatu da 1941etik hona. Gaur egun, ogia eta bestelako gozoak saltzeko denda dago errota-etxearen aldamenean, etxeari itsatsita. Etxearen azpiko aldea, berriz, estalita dago, eta garaje moduan erabiltzen dute Errota Berrikoek. Lehen, berriz, hantxe zegoen errota; errekek zekarren urak mugitzen zuen errota.



1941

Argazkian ikusten denez, gaur egun garajea duten tokian zegoen errota, eta haraxe sartzen zen errekekako ura.



2002

Orain dela urte asko estali zuten argazkian agerian dagoena, balkoiaren azpiko aldeko gunea. Errota, berriz, orain dela 20 bat urte kendu zuten.



# Zumelaga

JATETXEA

60 urte zuen zerbitzura!

San Antonio 5. BERGARA. 943 76 20 21

GARRAIOAK  
**ANDUZU**  
TRANSPORTES

BERGARA  
607 349 043



**Grua zerbitzua**

Zerbitzu publikoa eta era guztietako kargak

**REMENTERIA**  
Altzariak

Egongelak  
Logelak  
Aukera guztiak  
Enkarguan

Artekalea, 6  
BERGARA  
943 76 13 29

**Kabutzia**

ARRAINDEGIA

Fraiskozuri 6  
BERGARA  
Tf. 943 76 56 62

krak!



**NEURRI**

IREKI BERRIA  
SAN PEDRO 12  
943 76 34 61

Aste barruan: 10:30-13:00 / 17:00-20:00  
Zapatuetan: 10:30-13:00

**KONPONKETAK**

kremaierak, botoiak, adabakiak, urratuak...

**UKITUAK**

poltsikoak lekuz aldatu, barrenak luzatu edo moztu, janzkiak zabaldu edo estutu, sorbaldakoak eta ukondokoak kendu edo ipini...




San Juan 1 A,  
BERGARA  
943 76 54 91  
Faxa:  
943 76 08 04

# UGARTE



## AROSZTEGIA-ALTZARIAK

Apainketa • Soruak • Leihoak • Ateak • Horma armairuak



# BOLU SUKALDEAK



2000eguneko garantia.  
Aurrekontua konpromiso gabe.

**Bolu, 22-behea . Bergara . Telefonoa eta faxa : 943 76 27 02**

# ELKAR ELEKTRAGINTZA

**ZURE  
ZERBITZURA!!**

**Mota guztietako instalazioak**



943 76 00 00

Koldo Eleizalde, 8.  
**BERGARA**